

彰德府志



16.28 卷 26

16.28 卷 27

章德府志目錄

卷首

上諭

聖製

舊序

銜名

凡例

圖說

卷一

天文

地理

卷二

山川

卷三

建置

卷四

古蹟

卷五

學校

書院 義學附

卷六

職官

考 表

卷七

官蹟

卷八

官蹟

卷九

選舉

科第

薦辟

貢舉

武勳

封爵

卷十

武備

卷十一

田賦

地畝
起運
墾荒
驛站

科則
存留
耗羨
雜稅

正賦
雜貢
鹽引

人丁
漕糧

戶口
宗祿

卷十二

風土

風俗
物產

卷十三

人物

名臣

卷十四

人物

庶官

卷十五

人物

忠烈

卷十六

人物

孝友

卷十七

人物

儒林
文苑
行誼

卷十八

人物
義行
隱逸
技藝
流寓

卷十九

列女
賢母
賢婦
孝女
孝婦
烈女
烈婦
義女
義婦
完節
完婦

卷二十

完節
貞壽
貞女

列女

卷二十一

寺觀
仙釋附

卷二十二

藝文
制誥
奏疏
書啟

卷二十三

藝文

序 跋

卷二十四

藝文

碑記

卷二十五

藝文

碑記

卷二十六

藝文

碑記

卷二十七

藝文

論 贊 銘 議 考 說 傳
雜著 誌

卷二十八

藝文

詩

卷二十九

藝文

詩

卷三十

藝文

賦

卷三十一

禮祥

卷三十二

雜記

雜行

拾遺

雜錄

彰德府志卷二十六

藝文

碑記

下

國朝

重修啟聖祠碑記

馬國貞

天下事可已而不已者安也可爲而不爲者怠也何謂可已不爲而安焉者是也何謂可爲不爲而不安者是也如學宮之有啟聖祠也禮以義起敬所尊也吾夫子道大莫容當世莫能測其蘊惟及門諸弟子深知而篤信之乃其沒也和君誅焉是所由重於世而傳於後者矣厥後漢高帝當控馬揮戈之際過魯

一舉實開萬世崇祀之原歷唐迄宋代有褒封悉加
殊禮而獨於敬所尊之義缺焉未講這明嘉靖九年
始以張文忠公孚敬議更定孔廟祀典詔天下別立
祠祀啟聖公孔氏以杞國公無繇萊蕪侯點泗水侯
鯉邾國公孟孫氏配稱先賢永年伯珣靖獻公松蔡
氏元定從祀稱先儒歲春秋二仲上丁用少牢子夜
先祭焉大學祭酒餘庠提調官行事萬歷二十三年
又以周輔成祔

國朝因之詳載令甲內外遵行享祀不忒揆之奉祭者
之心而安則揆之先聖先賢之心而安卽揆之天下
萬世之人心而無不安設也典禮雖行而祠宇頽敝

棟折榱崩飄搖風雨豈非人心之所大不安者歟歲
庚午余承之茲邑下車之始齋宿謁廟見啟聖公祠
傾危已甚不禁惻然於心以爲天下事之不爲而不
安無過於此者時則修舉業有成議教諭馬君四端
訓導劉君島首其事焉經始於辛未二月二十一日
告成於五月二十五日舊祠煥然鼎新且增抱厦三楹
其綜理之有法分任之得人區處之多方營度之用
密余無庸贅而獨嘆兩君之能得聖人之心也夫子
有言吾行在孝經聖人享萬年之禮樂其設心必思
以萬年之禮樂享其親聖人安萬年之廟祠其設心
必思以萬年之廟祀安其親後人以敬業之心敬先

師以敬先師之心而盡所尊且以敬其所尊之心而尊其所尊者之居俾無壞焉則與聖人尊親嚴父之心不有合涉以此興起人心昭宣倫敦於

孝治天下之意不爲無補焉余嘉兩君之知所務符乎人心之所不爲而不安者且可以爲後來者勸也因不辭固陋而爲之記

舊志

重修鄴二大夫祠碑記

馬國貞

邑之豐樂鎮東舊有西門大夫廟稽諸郡志蓋北齊大保間建宋元祐八年重修明宏治七年巡撫都御史徐恪令有司以史公耐食題曰鄴二大夫祠歲以季春三月季秋九月祀焉兩公皆魏臣相繼爲郡令

引水溉田民食厥德一見史記河渠書一見班史溝
洫志二家之說相左明崔文敏公云疑當時西門渠
湮廢史公紹修斯確論矣庚午之秋余恪奉祠祀見
廟貌傾頽儀像暴露惻然者久之於是捐俸金命工
庀若材飭若具凡旣備矣遂卜月日撤舊祠而新之
或曰二大夫治鄴古鄴爲今臨漳祠宜在彼不在此
余曰不然兩公之德固不以疆域限也且兩公距今
幾二千載而祠祀相繼竝行時代不能限而區區限
以疆域有是理哉蓋嘗論之世必有非常之人而後
有非常之功亦必有非常之功而後食非常之報當
戰國時周道微矣列國爭相雄長一時佐理之臣知

富國不知富民知強兵不知強本舉古先王井田之制早有蓄而潦有洩者蕩然盡廢以致民生之口感而二大夫獨倣溝洫遺制興木利以厚民生令衰周黎民猶食文武成康之餘澤焉此其志量器識非縱橫功利之徒所敢望矣且夫水也者大利大害之所存也大抵弱則多利而強則多害漳固水之強悍而難馴者也今觀濁流一派泛溢靡常數邑患之乃在當日則不爲害而爲利豈非其經營調度有大過人者哉夫表已徃之績所以作將來之勸也兩公去今歷有歲年人之尸而祝之禱而祀之亦歷有年其祠圯而輒修卽以余之不敏亦感發於不能已以有斯

役則後乎此之葺而新之者不慮無人獨其功德之
盛父老子弟或忽而不知或知焉而不盡讀史者又
或以投巫一事等西門於滑稽至於瀉鹵和梁之歌
亦並無爲史公賡而和之者然則兩公雖載在祀典
而代遠風微其湮沒不彰者曷可勝道余故表而出
之使知兩公之廟食奕禩者處衰世而建非常之功
反大害而興不世之利廻出於尋常萬萬將自今之
尸而祝之禱而祀之者益以不衰而兩公之神亦將
昭格無斁而默相於茲土也因勒貞珉俾觀者感而
興焉

舊志

重修儒學碑記

張九徵

林爲邑在太行彰衛萬山間故趙魏地也當漢之季而杜太尉郭孝子以名行顯聞鉤黨事起林慮之山遂爲棲隱之神臯洎典午迄金元若庾叔褒王子端之徒買田讀書其間木實石蔬與夏子治爭烈矣沿及有明而馬氏父子風節矯矯襲其通顯視彼伏劍都市變形毀貌者榮悴固殊焉事亦有幸有不幸歟東漢之士好言名節而不能一出於學校出於學校而又能取聖賢忠孝之理參互辨晰不至於爲之而不知其義則養成人材之功不可誣也然則修學以飭治可不亟歟余按行中州所至學舍或庀或否甚者道弗不治幾翦爲馬矢之肆其治者殿堂門廡蛛

網苔封則亦鳥鼠接跡無人士之履焉今夫浮屠老子儒者之所欲焚其書廬其居者也然而爲二代之學者其居甚飭其書甚設其威儀進退俯仰升降雍容嫺雅甚盛今號爲儒於是數者無一焉顧乃浮屠老子之爲詬屬可嘆也浮屠老子之宮不治則無以處其徒其宮治矣而爲之徒者或望而去之則惄然不敢以寧今自博士而外有司朔望循故事而已戶外弟子可數也則何以異於二氏之崇侈其宮而塵埃其像設者也今嘗舉此以告守令丙午之夏校士鄴中則林令李君以修學之牘上余省而異之嗟夫今之長吏有能爲政而知所先後者難矣林又僻處